

續修四庫全書



《續修四庫全書》編纂委員會編

續修四庫全書

上海古籍出版社

本冊中穆宗本紀至熹宗本紀、皇后本紀、太子本紀、表，凡十二卷，均據上海圖書館藏清抄本補。

三二八·史部·別史類

石匱書（存二百八卷）（高帝本紀至李善長列傳）

〔清〕張岱撰

2281/08

石匱書

一

〔清〕張岱撰

○ 影 據
毫 印 南
米 原 京
寬 書 圖
二 版 書
八 框 館
六 高 藏
毫 一 稿
米 九 本

石匱書卷第一

明 蜀人張岱著

高帝本紀

高皇帝沛人也。熙祖徙句容，又徙泗上。仁祖徙鍾離之太平鄉。周世宗巡幸淮南，見荆塗二山，謂侍臣曰：「濠州朝岡有王氣，終當大業。」後三百七十年而高帝生。之夕，火光燭天三日。仁祖出河上，汲水洗兒，有紅羅浮至，遂取衣之，故所居名紅羅障。年十七，

石匱書

帝本紀

人婚

泗州大疫，父母相繼死。長兄及季父死，貧不能殮，葬之仲與。高帝昇至山麓，綆絕，仲逆取綆，留高帝守視。忽雷雨大作，高帝趨避村寺中，比曉往視，土墳起成高廂，走告地主劉繼祖，大賊異，遂以地歸朱氏，而棄其責。無幾，仲又死。高帝孤才，無依，乃託身皇覺寺，為寺僧養鰥溺。園之，他所游戲，終日不敢出園，別鵞色為隊，鵞皆分隊立，居兩月，歲荒，寺又乏食，僧四散。高帝至合肥，歷汝潁，三年復歸寺。

石匱書

寺廢久。高帝棲於伽藍，惟舉義吉，遂走江淮，道病

有二，燕衣人同寢處，愈失所在。又常夜行，陷麻湖中，

有羣小兒，謔迎聖駕，叱之不見。高帝心異之，聞郭

子興據濠，乃叩濠求入，門者欲兵之，子興免焉。台與

語，大悅，收為親兵，妻以所育馬氏女。是為高皇后。郭

氏軍中呼高帝曰朱公子。至正十三年，子興屯兵

定遠，妻公子南，收兵得七百人，自將之，再破張家堡

，又得壯士三千人，遂以三千人襲元張知院於橫澗。

石匱書

高帝本紀

人婚

寨走之，收其兵二萬，而乘勝攻下和州。公子入城，撫民，凡軍中所掠婦女悉還之。和氏大悅。十四年，郭子興死。十五年六月，議渡江，俞通濟、廖永安等以舟師來附。公子大喜，遂率諸將乘舟渡江，常遇春、李石磯先登，取太平。路豫書禁約入城，張其禁者儒李習。陶安率父老迎，改路曰府，置太平興國翼元帥府。諸將奉公子為大元帥，李善長為帥府都事，以李習知太平府事。陶安參幕，旗志及將士戰衣皆上赤，八月

元將陳瑊先與蠻子海牙來攻徐達鄧愈等出姑熟
逆戰湯和統其後轉戰至城北雙龍見璋端元人愕
仰視達等急擊之大敗擒瑊先大元帥解其縛命統
其軍以攻臺城瑊先復叛使溧陽民兵百戶盧德茂
佯降授計以殺瑊先遂大破瑊子海牙舟師十六年
三月克金陵元御史大夫福壽死之大元帥嘉其忠
以禮葬焉名官屬父老諭曰元失其政兵戈紛擾生
民塗炭吾所以至此者除亂耳爾等各安職業毋懷

石叢書

卷一 高帝本紀

平 鳳鳴堂

起懼有賢人君子能相送者吾將禮用之其舊政不
便者揭除之改集慶路為應天府七月諸將士乃奉
大元帥為吳國公十七年拔婺州改為寧越府十九
年方谷珍以溫台慶元三郡來獻二十年偽漢寇太
平花雲死之犯龍江公授康茂才等方略漢兵潰去
尋取信州遣使徵宋濂劉基章溢葉琛至金陵八月
公駕樓船率師伐漢立吊民伐罪納順招降之幟有
鳥數萬翼檣以飛蛇幡於舵次日龜來牛渚與蛇會

常遇春擊退漢兵於湖口追至江州陳友諒適武昌
改龍興路為洪都府二十一年江以西具平二月苗
軍叛殺胡大海王愷死之七月公閱兵三山即崇興
泰政趙繼祖謀叛有疾風吹旂觸公衣公易服從間
返事覺伏誅二十二年蕪水師二十萬征漢有大魚
二夾公舟自新河口過小孤山丙戌友諒東出鄱陽
湖迎戰丁亥遇於康郎山大戰五晝夜公益乘戰船
橫亘二十餘里盡載火鎗火箭大小將軍等砲敵船

石叢書

卷一 高帝本紀

日 鳳鳴堂

當之立糜友諒船大不能旋轉而我軍以輕舟衝突
來往如飛炮火連天湖水為赤是日友諒弟偽王王
游先退保鞋山公集諸將曰我提兵百萬千里遠來
剪除暴虐天以此賊付吾掌中此機不可失遂拔劍
誓曰交鋒有不用命者斬遂令釘水門平碁撤上下
木梯拽搖四廂懸鈴兵皆倒身搖櫓船下如箭與敵
船距二百武器銃亂發如雨敵船以板脚遮掩匿不
敢出公令康鐸等率壯士以大綽挽船逆上十五里

順水再下敵船望之如排山倒海交諒度不能支開
箭窻覓小船走而流矢中其腦貫睛死報至公急傳
令曰交諒死將士敢擅殺一人者斬敵軍全船來歸
啣首尾不絕公大悅曰今日之功朕未壁走曹瞞速
矣大饗士卒偽平章陳崇擁交諒子理奔武昌命常
遇春追至武昌圍之二十三年公晉吳王以武昌久
不下親往視師命急擊之理啣壁出降荆湘悉附追
封花榮為東丘侯三月吳王至建康置起居注給事

石匱書

卷二 高帝本紀

五 鳳鳴堂

中悉罷諸翼統軍元帥府置十七衛親軍指揮使江
西行省進陳交諒所造金鑊象牙床王曰此何異孟
昶七寶溺器其亟毀之四月廟祀鄱陽死事之臣三
十六人於康郎山五月置翰林院以陶安為學士召
諸儒直閣下議禮制王問宗濂孔克仁曰漢治何不
三代也克仁對曰王霸之道雖王曰咎將誰始對曰
在高祖王曰然高祖創業未遑禮樂孝文時常制作
復三代之舊乃逡巡未遑使漢家終於如是三代有

其時而能為之漢文有其時而不為可周世宗則無
其時而為之者也九月朔功臣像於十臺廟改長安
州曰長興州二十四年正月常遇春克漢故將熊天
瑞於贛州賜書獎其不殺遇春進師南安招諭嶺南
諸郡南韶皆降五月命訪古今書籍藏之秘府十一
月命徐達等討張士誠十二月立社稷宗廟建宮室
營繕進圖王去其奇麗者曰茅茨而聖彫峻而止吾
節儉是師民力其弗殫乎命博士熊易編古人事可

石匱書

卷二 高帝本紀

六 鳳鳴堂

鑒戒者書殿壁命正樂律萬舞之制詔以明年為吳
元年正月定文武科取士法有一老人告省局
匠曰吳王即位三年當平一天下匠驚問之曰我太
白神也去不見六月諭憲臣曰任官不當則庶事不
理用刑不當則無辜受害故刑不可不慎也夫置人
於桎梏之下何求不得古人用刑本求生人非求殺
人故欽恤為用刑之本九月偽吳平封李善長宣國
公徐達信國公常遇春鄂國公諸將賞賚有差明日

入謝王曰公昔還家置酒為樂否對曰荷上恩有之
王曰吾亦欲置酒一歡中原未平尚非其時張氏君
臣飲食宴樂今竟亡公等所知也諸臣頓首謝十月
遣常遇春率甲士二十五萬繇淮河入以取中原馳
檄齊晉河洛燕秦多奉圖籍來降命胡廷瑞等取福
建楊璟等取廣西十一月頒戊申曆王自壬辰舉義
旅至是十有七年百官父老累表勸進乃以明年戊
申正月祭告天地即皇帝位於應天府建元洪武定

石叢書

卷一百一十一

七 鳳樓堂

有天下之號曰大明

洪武元年正月追尊四代考妣為皇帝皇后立妃馬
氏為皇后世子標為皇太子命議郊廟及百神祀典
立大社大稷自竊內遷於新宮是月天下官來朝陞
辭 上曰初飛之鳥不可拔其羽新植之木不可搖
其根天下始定才力俱困夫惟廉者能約己而利人
二月以太牢祀孔子定宗廟時享禮四孟歲除凡五
禁胡服胡語胡姓定賦役法四月改太史院為司天

石叢書

卷一百一十二

八 鳳樓堂

監徵天下賢才為守令七月 上手繪征進陣圖授
徐達取元都諭曰元君不德民復何事諸將克城之
日毋擄掠毋焚蕩毋妄殺人凡元宗戚皆善待之達
會兵臨清進克通州元主走上都八月達入燕元亡
始設六部官分理庶務以滕毅楊士義錢用士陳寬
周禎單安仁為尚書大赦天下詔曰元政隳夷朕以
布衣起戎伍憤生民塗炭與豪傑共靖之賴天之靈
因民之欲黃旗所指強殞弱服大河以北暨于南海
罔不來臣顧念推戴而來軍士勞苦農民罷敝者未
安刑亂未平供億未舒賢人君子逃匿巖穴者未來
朕甚愿為愛布溥恩與民更始可大赅天下於戲爾
民之蕩析靡居者十有七年光徽之氣於今始復其
各厚爾生保爾家共享太平之福不其庶與 上幸
北平放元宮人復命學士詹同等分行十道訪遺逸
十月 上還金陵建大本堂選儒臣教授太子諸王
復朔方蠲是年田租詔報四夷君長告即位毀元至

所製水晶宮漏十一月孔希學襲封衍聖公

二年正月免畿輔北平河南東西田祖詔曰頃命將

北征齊魯之民室簞餽餉不辭千里其何忍復勞爾

下晉冀平幽燕困憊尤甚可二稅並蠲有司更加存

恤以副朕懷立功臣廟於雞籠山勅中書省曰朕起

臨濠渡大江以除禍亂每念諸將相逆戮力有捐軀

建功未食其報音朕甚痛之人誰無死若諸將軍生

著忠勇死而廟食亦可謂不朽矣其序封爵肖像祠

石匱書 卷一 高帝本紀 北 鳳樓堂

春秋勿絕并令祀元右丞余闕總管李黼以厲風教

定太歲風雲雷雨嶽瀆山川城隍諸神名號祭禮遣

官祀孔子於闕里更定太廟時祭禮命築壇後湖祀

馬祖諸神二月耕藉田 皇后率內外命婦耕於北

郊修元史賜璽書諭占城爪哇日本等國詔立皇陵

碑上仁祖陵曰英陵旋更為皇陵立護衛禁垣有

司秦民間墳墓在傍當外徙 上曰此皆吾家舊隣

里不必外徙凡在垣內者春秋祭掃聽民出入其弗

禁三月改奉元路為西安府命博士孔克仁等授諸

王子經功臣子弟亦令入學詔編祖訓錄定封建諸

王國邑及東宮官屬制遣使以登極改元諭吐番四

月淮安等府各獻瑞慶羣臣稱賀上曰朕為生民主

惟思脩德致和三光平寒暑時為國家之瑞不以小

物為瑞也漢武帝獲一角獸產九莖芝好功生事卒

使海內空虛其後神爵甘露之後至山崩地震而漢

德於是乎衰由此觀之嘉祥無徵而災異有驗可不

石匱書 卷一 高帝本紀 十 鳳樓堂

戒戎禮部議國家祥瑞按唐六典四瑞有大瑞中瑞

下瑞之類今所司表奏 上曰卿等所議但及祥瑞

而不及災異不知災異乃上天示戒所繫尤重今後

四方或有災異無論大小皆令所司即時飛奏五月

上幸鍾山歸縣獨岡步至淳化門始騎而入謂侍臣

曰朕久不歷農畝適見田者冒暑而耘心甚憇之不

覺徒步至此一日退朝太子諸王侍指宮中隙地曰

此非不可構臺榭為游觀地顧吾念之漢文帝欲作

露臺計其費曰百金文帝曰百金中人十家之產也
竟已之故吾今聞人種蔬誠不忍傷民力耳爾等誌
之六月功臣廟成論次諸臣功造太廟祭器成八月
元史成禮官議建行殿於二丘壇南社稷壇北以備
風雨望祭後之九月以臨濠為中都制鐵券十月詔
天下府州縣立學宮遺元主書先是元主北適元臣
李思齊張良臣以次降而良臣復叛徐達擊斬之獨
擴廓柴逆為西北患尚藉元主聲息迺致書曰朕本

石

卷一

高帝本紀

十一 鳳鳴堂

布衣同海內鼎沸不能自寧君又失於控御致諸將
名為元臣往往內懷不軌擴廓李思齊張思道三人
也分據秦晉互相讐殺荼毒生靈是孰可忍其羣雄
割據朕已勘定之將以觀君自為計大將軍徐達晉
出河洛次秦隴指燕趙而君棄宗社去矣朕多君智
謂君自揣無百年之運順天之道我歸故物得上策
為已聞君率殘胡留連塞上欲以何為今思齊束手
思道就戮擴廓一已崩寬矣以君昔之富強尚不可

以逞今遠寄沙漠政如孽雁聞弦而墮欲效漢之司
奴唐之突厥出沒無常以為邊患不已難乎方今中
國封疆盡為我有華夏已平外夷咸附若命將出師
直抵陰山之北君雖有百萬之衆亦不過死灰餘燼
涸轍腐鱗耳君即遁逃亦將無所往矣朕以誠心待
人明示機策惟君寔圖之元主徒和林十二月御奉
天殿大賞定中原征南將士有差封陳日怪為安南
國王王顥為高麗國王

石

卷一

高帝本紀

十一 鳳鳴堂

三年正月大將軍徐達率李文忠等北征禮部奏定
朝日夕月禮遣使往安南高麗占城祀其國山川仍
摹錄碑碣圖籍以歸二月御東閣學士宋濂侍制王
禕進講大學平天下傳 上曰國也人者國之本德
者人之本德不足以懷衆雖有財安所用之 上行
後苑有鵲巢乳雛嘆曰禽鳥尚爾況人乎令羣臣親
老者許遜養名諸郡富民入見諭以孝敬和睦備
守法賜酒食而遣之三月免南畿河南山東北平田

租四月以封建諸王告太廟置長史以下官屬元君
安懼睦爾祖於應昌其子愛猷識理達臘嗣立五月
遣使訪歷代帝王陵寢令行省臣廟祀具圖以聞命
天下守令舉學識篤行之士禮送京師左副將軍李
文忠等克應昌獲元主孫及后妃冊寶重器復詔天
下曰庚申君荒淫昏弱以亂區寓羣臣奮起毒擾生
靈此天有意以啓朕躬朕驅除暴蠱開闢介冑混一
天下十有九年於茲庚申君病弱其孫枝卷屬

石匱書

卷一 高帝本紀

十三 鳳鳴堂

在俘虜禮宜設廟朕深不忍也是與他僭竊者不同
其封買的里八剌為崇義侯后妃等官給服食以示
懷柔倘愛猷識理達臘來歸當令作賓於朝以存元
祀曩元起沙漠猶能令胡越一家豈以堂、天朝包
荒有外爾元臣庶有審識天命傾心南嚮者吾將擢
用之於戲君舟臣水覆載不常可不畏哉時大旱
上禱於壇席蓂暴露令后妃執爨為昔日農家之食
太子捧植稌麻麦穀粟以進凡三日始還天迺雨行

大射禮詔國學郎是諸生習射戊申夏至祭地於方
丘詔考歷代服色所尚禮官奏以為宜尚赤從之八
月募民輸粟中監禮官言天子食日以樂上曰古
帝王德隆化洽日一舉非過也今人民新罹鋒鏑瘡
痍未起北征將士尚在暴露朕何以軒縣為哉其寢
勿舉九月改司天監為欽天監十月致書元嗣子謚
故元主為順帝十一月大封功臣安單謂曰天下大
業以艱難得之必當以艱難守之人情常謹於憂患

石匱書

卷一 高帝本紀

十四 鳳鳴堂

而忽於宴安不知憂患之來常始於宴安也今日與
卿等宴飲極歡恐久而忘其艱難故相誡勉耳明日
諸將詣闕謝命賜坐逆容語之曰曩與卿等初起圖
自全非有意天下也渡江以來朕羣臣無遠志而陳
張二寇尤驚甚朕無恃所恃者卿等一心耳初與二
寇角人以士誠近在肘腋先事撲滅是亦一計不知
陳剽而躁其志驕張狡而懦其器小志驕則奸生事
器小則無遠圖故都陽之役與戰宜邀吾固知士誠

必不能越姑蘓一步以為之援也向令先攻士誠則
友諒空國而來何以應之姑蘓又猝不可拔大事去
矣朕何知：先後着耳二寇除人又計且蓋群推乃
取元都卿等欲直走元都兼舉龐眉皆未合朕意朕
命卿等先取山東次河洛者以先聲既震燕薊自靡
耳且朕親駐大梁止潼關之兵知擴廓張李皆百戰
之餘未肯遽降急之非北走元都則西奔龐眉并力
一隅未易定也故出其不意反旆而北元衆胆落不

石匱書

卷一

高帝本紀

十五 鳳鳴堂

戰自奔然後西征張李勢屈乃降惟擴廓力戰以拒
朕師向使未平元都先與之角彼人望未絕困獸猶
關勝負未可知也事勢與張陳正相反至於關廣傳
檄而定區：巴蜀恃其險遠此特餘事耳卿等可以
少解甲胃之勞矣達等皆頓首稱萬歲詔設壇祭功
臣已歿者贈賞有差且祿其子孫并祭戰歿軍士卹
其父母妻子十二月大明志成建奉先殿於乾清宮
左自大祭饗外每生辰節序用常饗行家人禮中都

營建落成

四年正月諭中書省曰今日寒迺甚於冬況荒漢積
雪吾守邊將士良苦其給諸鎮布帛綿纈較歲常有
加二月命湯和傳友德等分道伐蜀三月幸中都尋
還京令各省取士連試三年自後三年一舉著為例
改築園立方澤命吏部議內官品秩因諭侍臣曰古
宦豎不過司晨昏供掃除而已自漢鄧太后稱制乃
以閹人為常侍為患便如城狐社鼠吾所以防之亟

石匱書

卷一

高帝本紀

十六 鳳鳴堂

嚴補紀法必斥去履霜戒堅冰也迺命鑄一鉄榜勒
內臣不得干預政事預者斬挂午門四月徵山林隱
逸之士五月免江浙田租詔勸興禮俗六月蜀平太
廟九奏樂章成命協律者歌之 上曰古樂之廢久
矣而勝國尤靡淫詞豔曲襍以胡音甚或歸為隊舞
諧戲殿廷非所以宣太和崇治體也今所製頗有和
平廣大之意其喧譟鄙褻者悉除之十二月開茶市
賞平蜀將士有差封陳理為歸德侯明昇為歸義侯

徙高麗 上觀浚河三山門見夫卒裸行水中命罷
役曰今日重裘猶寒辛苦乃爾遂併遣工匠之管中
都者

五年正月詔犯罪當戍兩廣者俱發臨濠屯田廣西
洞蠻叛鄧愈等擊定之二月開文華殿選茂才異等
命翰林諸臣分教之三月詔天下行鄉飲酒禮六月
賑山東民飢免畿輔田租旬宮民獻同華嘉禾抑不
受曰草木之祥產其地其地之人應之朕何與焉若

石匱書

卷一 高帝本紀

十七 鳳樓臺

天下時和年豐則王者之瑞也賜千錢而遣之十月
詔諭省臣曰求治譬之馭馬急銜勒厲鞭策馳騁不
已鮮不顛蹶焉之蹶矣人獨能無傷乎元季郵政盡
百姓力大類此朕甚痛之其自今軍國重使勿給傳
有司其務存恤稱朕意內使奏增餉虎肉 上曰牛
代耕馬代步虎何為者而餉之命付大庖他禽獸悉
縱遣之命省府置銅匱簿錄時政微列國吏遣使與
元幼主書曰朕觀前代獲亡國子孫必獻俘廟社以

石匱書

卷一 高帝本紀

十六 鳳樓臺

明得志其陽示優待者不旋踵于鴛矣即宕家於宋
幼主難髮為僧終亦不免朕良痛悼今君之子至京
已三年優禮有加君宜以時遣使取歸朕生長君朝
豈有志今日自四海土崩民罹荼毒朕始興師救民
驅除僭竊君家父子亦不守宗社北適沙漠此天運
非人力也故特致書諭朕意為君亦察之母為寇災
矣又與元臣劉仲德朱彥德曰至正之君殂於北荒
幼主孱弱諸臣無不掉臂去者獨二生竭力守護朕
甚嘉之今特遣使諭爾君今取其子二生宜教人全
父子之倫勿為邊患爾君之宗祀不絕二生之家族
亦可長保不然者大軍出討旌旂綿亘於陰山二生
能身膏草野名垂竹帛亦奇男子事也或不能徇國
名為俘虜將何面目見朕乎爾其熟圖之
六年正月諸守令來朝命列上郡圖山川險易圖二
月罷科舉 賢良三月分遣諸將脩倭虜昭鑒錄成
頒賜諸王四贈謚開國功臣詔求賢才五月祖訓錄

成分賜太子諸王六月免河北旱蝗田租七月辦嘉
錄成頒賜廷臣八月定釋奠先師孔子樂章修大明
日曆始祀三皇建歷代帝王廟遣使諭大將軍達曰
御芳與朕定天下勲業已成而殞殘胡尚久暴師
此誰任其咎哉昔田單攻狄不下魯仲連曰將軍在
即墨與士卒同甘苦所以致勝今將軍東有夏邑之
奉西有溜上之娛黃金橫帶馳騁乎其間有生之樂
無危之心所以不勝也卿等今日大類此幸毋徒壘

石匱書

卷一 高帝本紀

十九 鳳樓堂

於梧立為仲連所誚遠以分兵擒討以是冬破虜於
大同九月賜臨濠造作軍士衣糧詔禁四六文辭論
詞臣曰詔誥以漢為式表箋以柳宗元代公綽謝表
及韓愈賀雨表為式頒於天下十一月潞州貢人參
太原進葡萄酒皆却之閏十一月定糾內官法十二
月浚開封漕河

七年正月命都督王簡等往彰德濟寧諸處屯田訓
練軍士二月親祀先師命修治闕里廟廡祭器法服

仍設孔顏孟三氏子孫教授免平陽太原等郡田租
四月置鑄治十三所五月大寧輯皇明寶訓成六月
立皇陵祠祭署以濠里人汪文劉英為令丞世其官
七月議增園丘方丘從祀八月躬祀歷代帝王於漢
高帝前加獻三爵謂從祀諸臣曰漢高帝不階尺土
手提三尺以致大位其艱難與朕心等可多飲二爵
九月遣元主孫北還厚賜之且諭曰若果就俘即欲
遣歸以爾樛弱恐道里遼遠不能自達令長大矣朕

石匱書

卷一 高帝本紀

二十 鳳樓堂

不忍爾父客於茲故特遣歸見爾父母以全骨肉之
愛又諭二故闡曰此而主也不幸至此長途跋涉可
善朕之目貽書於其父曰昔君在應昌所遺稚子南
來朕待以殊禮者五年念君流離沙漠後嗣未育故
特遣護歸君其念之十月皇長孫生徙江南民十四
萬實中都十一月詔赦輕罪十二月鑿石灰山河日
本良懷遠人入貢却之

八年正月朝覲天下官負海寧州守方克勤有善政

石匱書

卷一

高帝本紀

三十一 鳳鳴堂

賜宰禮部遣官祭功臣於鷄籠山增祀華雲龍李思
齊等八人二月御製資世通訓成詔行之申明馬政
三月詔興學勸農造大明寶鈔洪武正韻成四月幸
中都次滁州遣祭滁陽王甲辰夏至皇太子攝祭方
丘上於中都祭告天地尋還京五月市馬西番六
月詔諭安南高麗占城等國三年一朝貢王立則世
見七月免江南湖江田租八月京師早開登萊河十
月皇太子及秦晉楚靖江諸王講武中都十一月濟
涇陽洪渠堰鑄大鐘於鳳陽十二月陝州人獻天書
斬之

九年正月遣祭功臣祔余隆等百三十人二月定宗
王公主歲祿三月免南畿北平山陝江浙福建湖廣
河南田租四月琉球貢方物五月諭親王宮室無得
過飾六月改行中書省為承宣布政司七月遣祭功
臣祔何文輝等百六人免蘇松嘉湖田租九月遣使
諭徐達曰七月火星犯上將項金星又犯之大將軍

石匱書

卷二

高帝本紀

三十二 鳳鳴堂

其脩葺人刺客更定王府官制閏九月以五星素度
日月相刑詔求直言羅弘文館遺跡歷代帝王陵寢
禁煎牧百步內三人權崩者封培之三年一遣祭諸
郡邑所祀忠臣烈士祠宇不治者時普為之遣國子
生修岳鎮海清祠宇賜巾衣靴襪所至齋沐行事擬
中庖戶十月更太廟從同堂異室之制定脩饗功臣
十二月賑江南湖北置軍夏諸衛
十年正月諭中書省曰諸除吏官長安父良費至空
乏稱貸一受事將取償烏何以教廉其自今調選者
資與銓注銓選後差其品與道里費令有司給舟車
著為令二月遣官饗先農應天府率農民耆老陪祀
免士大夫家徭役四月命鄭愈等討吐蕃破之五月
荆蘄水患上命戶部主事趙乾往賑乾踰期不去
上聞大怒劾省臣曰民饑而上不恤咎在上吏受命
不能宣上意朕民死而不按罪在吏朕寢食不安而
乾泄言此其以大不敬論棄市有內侍供事久從